

Consul Americano lo tene consulta 25 di Maart 1988

ORANJESTAD(AAN) — Diabierna 25 di Maart proximo e Consul Americano, señor Richard Morgan lo tene un dia consulta na Aruba den e sala di reunion di Servicio Informativo di Gobierno, den Dominicanessenstraat 1.

Tur interesadonan cu tin necesidad pa solicita pa un visa lo ser atende Diabierna for di 9'or te cu 12'or mainta y merdia for di 2'or te cu 4'or di atardi.

Ta asina cu lo no duna visa durante e consulta pero atende esnan cu tin interes pa haya un visa. Ademas por tin e oportunidad pa atende residencia estudiantil pa e hobenan Arubano kendenan ta sigui nan estudio den Universidad y Academianan

Americano.

Por yama na telefoon 24560 - 22100- 22101 pa

un cita cu e Consul Americano señor Richard Morgan.

Cursonan na Venezuela


ORANJESTAD(AAN) — Den cuadro di lasonan di cooperacion entre e Gobierno Venezolano y e gobierno Arubano ta ser organisa varios curso na Venezuela pa cursistanan Arubano. Personanan interesa por pasa na instituto venezolano pa Cultura y Cooperacion, situa den Bachstraat pa obtene tur informacion necesario.

E cursonan cu lo ser organisa ta e.o.: 1. "Pasantia en Danza Contemporaneo" cu un duracion di 50 dia. Exigencianan pa

atende e curso menciona ta encera conocimiento basico di e materia; edad minimo 25 aña; dos aña minimo di experiencia; presentacion di un prueba for di maestronan cu a duna un persona les. E curso lo inicia den luna di Juli proximo.

2. "Curso administracion de Centros Culturales", cu un duracion di tres luna y ta inicia ariba dia 4 di Mei proximo. Exigencianan ta cu un persona mester tin un titulo univer-

Sigui lesa pag. 12



Ayeratardi alrededor di 2 or, un tripulante di Britanis a trompeca y a cay. El a sufri un sla na su cabez. Investigacion a cuminsa pa mira si e por a worde alcanza pa un auto, cu a worde manena pa un dama.

A tarda basta promer cu ambulance a acudi na e sitio ya cu nan tabata tin basta trabao. Despues di tratamiento el a regresa a bordo di e barco.

Ultimo tributo na Ex Diputado Daanchi Oduber



Ayeratardi a tuma lugar entiero di señor Daniel Oduber. Daanchi, manera e ta conoci na Aruba, tabata un di e dos promer Arubianonan cu a sinta como Diputado di Aruba. Despues cu enfermedad cu ya pa basta dia a mare na cama, Diasabramerdia, el a fayece repentinamente. Hopi tabata esnan cu a acudi ayera na Iglesia San Fransisco pa rindi ultimo tributo na Daanchi Oduber. Cu e descansa na paz.

"The Catholic Register" cu articulo ariba Aruba

ORANJESTAD(AAN) — Señor Steve Libby, photojournalist Americano pa e publicacion Catolico, "The Catholic Register" seccion "Travel '88 Feature" a dedica atencion especial ariba e diferente congregacionnan establece na Aruba.

E articulo a ser titula "Churches among Aruba's major sights". Por menciona cu dene articulo aki señor Steve Libby ta cubri e historia di e dos iglesianan cualnan ta e atraccionnan di interes especial pa catoliconan Romano, esta e iglesia di Sta. Anna na Noord y e kapel di Alto Vista.

Ademas di un potret cu ta ilustra e altar di e iglesia di Sta. Anna señor Steve Libby a percura pa


ilustra tambe un paisahe di e cero di atraccion turistico, esta e Hooiberg.

E articulo aki a sali den publicacion di e registro catolico ariba 2 di Januari 1988 pagina 13. Finalizando su articulo e ta relata cu Aruba ta particularmente favorece door di scuba-divers y ta un lugar especial pa vacacionistanan durante e temporada halto, esta di "winter" pa bishitantenan tanto di Norte como Sur-America. Steve Libby ta un periodista residencia den Sumter, South Carolina, USA.

Presidente di Women's Club International na Aruba

ORANJESTAD(AAN)— Women's Club di Aruba a ricibi e noticia cu Sra. Phyllis Roberts, Presidente Internacional di Federacion General di Women's Club lo ta di bishita pa dos dia dia 31 di Maart, pa un bishita oficial na Women's Club.

E Federacion General di Women's Club, cu nan headquarter na Washington D.C. ta e organisacion mas bieu y mas grandi di muhernan voluntario di mundo.



Neet

... pa pia elegante

Pa e muhe ku kier tin planan seksl, femnina i sofistika. Ayo feltamentu... NEET ta asina facil pa usa pa kita kabel na pia i bou'i brasa. E ta bin den forma di krema loшон i bikini line.

Keda atraktivo ku...NEET!



Distribuidors:

Hector Henriquez B. Inc. - Caracasbaaiweg 38 - Curacao - Tel. 613266
Unisales Corporation N.V. - Tomatenstraat 8 - Aruba - Tel. 23821/25644